

唐

詩

歸

唐詩歸卷第三十二目錄

中唐八

張祐

登廣武原

江西道中作

題萬道人禪房

題松汀驛

題餘杭縣龍泉觀

周賀

宿招山畫公禪堂

杪秋登江樓

出關後寄賈島

送石協律歸吳

晚題江館

宿隱靜寺上方

寶庫

于闐鐘歌

寶輦

新營別墅寄兄

張建封

秋夜曲二首

王涯

閨人贈遠三首

皎然

茗溪草堂自大曆三年夏新營洎秋及春

彌覺境勝紀其事簡潘丞述湯評事衡

四十三韻

奉陪陸使君長源

裴端公樞春遊東西武丘寺

雜言往丹陽尋陸處士不遇

觀李中丞洪二美人唱歌輒筆歌

秋宵書事寄吳馮

酬秦山人系題贈

奉酬顏使君真卿見過郭中寺寺無山水

之賞故予述其意以答焉

酬烏程楊明府華雨後小亭對月見呈

獨遊

遊溪寺待月

晦夜李侍御萼宅集招潘述湯衡海上人

飲茶賦

寄昱上人上方居

啼猿送客

尋陸鴻漸不遇

懷舊山

雜言送皇甫侍御曾

五言建元寺畫公

與崔秀才見過聯句與郭奉禮說同作

五言與崔子向泛舟自招憫經筵里宿天

居寺憶李侍御萼渚山春遊後期不及

聯一十六韻以寄之

七言與李司直令從欬塘聯句一首

僧無可

遊山寺

寄華州馬戴

寄青龍寺原上人

秋寄從兄賈島

秋日寄厲玄先輩

題青龍寺縱公房

贈圭峰禪師

金州別姚合

夏日送崔秀才二首

送韓校書赴江西

僧靈一

溪行卽事

送皇甫將赴無錫

雲門寄別

僧法振

疾愈寄友人

陳九溪中草堂

月夜泛舟

靈澈

華頂

釋清江

送贊律師歸嵩山

劉采春

羅噴曲

虎丘鬼

大曆十三年虎丘寺石壁鬼詩

無名氏

秦家行

湍口女郎

感懷詩

唐詩歸卷三十二目錄終

唐詩歸

卷三十二目錄

四

唐詩歸卷第三十二

景陵

鍾惺伯敬父

選定

譚元春友夏父

古吳劉 駁典生父重訂

中唐八

張祐

○登廣武原

廣武原西北華夷此浩然鍾云曠地盤山入海河

遶國連天遠樹千門邑高檣萬里船鄉心日云暮

猶在楚城邊

○江西道中作

西江江上月。遠遠照征衣。夜色草中網。秋聲林外
機。渚田牛路熟。石岸客船稀。無復是鄉井。鷓鴣聊
自飛。鍾云悲澹之極

○題萬道人禪房

何處鑿禪壁。西南江上峰。殘陽過遠水。落葉滿疎
鐘。世事靜中去。道心塵外逢。鍾云二語之妙全在去字達字落得無痕
欲知情不動。床下虎畱踪。

○題松汀驛

山色遠含空。蒼茫澤國東。海明先見日。江白迥聞

風鳥道高原去。人烟小徑通。那知舊遺逸。不在五湖中。

○題餘杭縣龍泉觀

四、迴、山、一、面、臺、殿、已、嵯、峨、中、路、見、山、遠、上、方、行、石、
多、天、晴、花、氣、漫、地、煖、鳥、音、和、徒、漱、葛、仙、井、此、生、其、
奈、何、

周賀

鍾云賀詩清奧。有異氣。有孤響。與僧清塞。
蓋一人也。今合之。

○宿招山畫公禪堂

從作兩河客。別離經半年。却來峰頂宿。知廢井南
潭。積霽沉斜月。孤燈照落泉。何當閒事盡。相伴老
溪邊。

○杪秋登江樓

平楚超寒色。

鍾云超字甚奇。甚真。人用不得。

長沙猶未還。世情何

處淡。湘水向人閒。空翠隱高鳥。夕陽歸遠山。孤雲
萬餘里。惆悵洞庭間。

○出關後寄賈島

故國知何處。西風已度關。歸人值落葉。遠路入寒
山。多難喜相識。久貧寧自閒。唯將往來信。遙慰別

離顏

○送石協律歸吳

僧窻夢後憶歸耕。水涉應多半月程。幕府罷來無
藥價。紗巾戴去有山情。夜隨淨渚離蛩語。早過寒
潮背井行。鍾云靜景中生出情感。已讓辟書稱抱疾。滄洲便
許白髭生。

○晚題江館

鍾云清傲。可避七言律熟徑。

病寄曲江居帶城。傍門孤柳一蟬鳴。澄江月上見
魚擲。晚徑葉多聞犬行。越島夜無侵閣色。寺鍾涼

有隔原聲故園盡賣休歸去。潮水秋來空自平。

○宿隱靜寺上方

一宿五峰杯渡寺。虛廊中夜磬聲分。疎林未落上

方月。深澗忽生平地雲。幽鳥背泉栖靜境。

鍾云北七字。人

知其境之幽靜。不遠人當燭想遺文。暫來此地歇

知其意之曲折。勞足望斷故山滄海漬。

寶庠

○于闐鐘歌

送靈澈上人歸越

靈嘉寺鐘按越中記。此鐘本于闐國寺鐘。因風雨失鐘所在。有天竺僧過于闐。識此鐘。越靈

嘉寺至今鑲在寺樓

海中有國傾神功。烹金化成九乳鐘。精氣激射聲
冲融。護持海底諸魚龍。聲有感。神無方。連天雲水
無津梁。不知飛在靈嘉寺。一國之人皆若狂。東南
之美天下傳。環文萬狀無雕鐫。有靈飛動不敢懸
鑲在危樓五百年。有時清秋日正中。繁霜滿地天
無風。一聲洞澈八音盡。萬籟悄然星漢空。徒言凡
質千鈞重。一夫之力能振動。大鳴小鳴須在君。不
擊不考終不聞。高僧訪古稽山曲。終日賞之言不
足。手提文鋒百鍊成。恐刺此鐘無一聲。

鍾云
鐫

寶翠

○新營別墅寄兄

懶性如今成野人。行藏由興不由身。鍾云大力不似作絕句中

莫驚此度歸來晚。買得山居正值春。

張建封

○秋夜曲二首

丁丁漏水夜何長。漫漫輕雲露月光。秋逼暗蟲通

夕響。

譚云七字淒苦。入口自知。

寒衣未寄。莫飛霜。

譚云橫而怨。

○其二

佳魄初生秋露微。輕羅已薄未更衣。銀箏夜久殷

勤弄心怯空房不忍歸

鍾云生
婦生寒

王涯

○閨人贈遠

遠。成。功。名。薄。

鍾云悔教夫婿覓
封侯不及此五字

幽。閨。年。貌。傷。粧。成。

對。春。樹。

鍾云不消
讀下句

不。語。淚。千。行。

譚云粧成對春樹
是實境粧成對

主是虛境虛
實各極縹緲

○其二

啼。鶯。綠。樹。深。語。燕。雕。梁。晚。不。省。出。門。行。沙。場。知。近。

遠。

○其三

形影一朝別。煙波千里分。君看。望。君。處。鍾云五字最曲。祇是起行雲。

皎然

鍾云僧詩有僧詩氣。習僧而必不作僧詩。便有不作僧詩氣。習皎然清淳淹遠。當於詩中求之。不當於僧中求之。

○茗溪草堂自大曆三年夏新營。洎秋及春。彌覺境勝。紀其事簡。潘丞迹。湯評事衡。四十三韻。

鍾云長詩意象靜深。而色味芳潔。法變氣。

老猶有盛唐人風蘊

萬慮皆可遺。愛山情不易。自從東溪住。始與人羣
隔。應物非宿心。遺身是吾策。先民崆峒子。淪景事
金液。綺里猶近名。於陵未泯跡。吾師逆流教。禪隱
殊古昔。洗足臨潺湲。銷聲寄松栢。鍾云。幽秀之句。緇荷採
堪服。柔草持可席。道心制野猿。法語授幽客。境淨
萬家真。寄目皆有益。原上無情花。山中聽經石。竹
生自蕭散。雲性常潔白。却見羈世人。遠高摩霄翮。
達賢觀此意。煩想遂冰蘖。伊予戰苦勝。覽境情不
溺。智以動念昏。功由無心積。形骸爾何有。生死誰

所戚爲與勝悟冥不憂顏齡迫春風自駘蕩禪地

長圓寂擲札成柳枝漑瓶養泉脈道人知止足盟

漱聊自適學外見古賢鍾云神明高曠之言頗令我心惕眇

綿雲官世夢幻羽陵籍鬼錄徒相矜九原誰家宅

俗情封淺近至理昧堯跖蹈善嗟沉冥履仁傷墮

阮匠心聖亦尤攻異天見責譚云說得心魂肅肅試以慧眼

觀斯言諒可覲外事非吾道忘緣倦所歷中宵廢

耳目形靜神不役色天夜清迴花漏時滴瀝東風

吹杉梧幽月到石壁此中一悟心可與千載敵故

交徒好我筐中無咫尺潘生入空門祖師傳秘蹟

湯子自天德精詣功不僻放世與成名兩圖在所
擇吾高鷗夷子身退無瑕謫吾嘉魯仲連功成棄
珪璧二賢兼彼才晚節何感激不然作山計改服
我下澤君隳元亮冠我脫潛師屐倚臥高松根共
逃金閨籍

、奉陪陸使君長源裴端公樞春遊東西武丘
寺

雲水夾雙刹遙疑涌平陂入門見藏山元化何由
窺曳組探詭怪停驄訪幽奇情高氣爲爽德暖春
亦隨瑤草自的皪蕙樓爭蔽虧金精發壞陵劒彩

沉靈池一覽，市天界中峰。步未移，應嘉生公石刻。
坐援松枝。

○雜言往丹陽尋陸處士不遇

遠客殊未歸，我來幾惆悵。叩關一日不見人，繞屋
寒花笑相向。寒花寂寂遍荒阡，柳色蕭蕭愁暮蟬。
行人無數不相識，獨立雲陽古驛邊。鳳翅山中思
本寺，魚竿村口望歸船。歸船不見見寒烟，離心遠
水共悠然。他日相期那可定，閒僧着處卽經年。

○觀李中丞洪二美人唱歌軋箏歌

君家雙美姬，善歌工箏人。莫知軋用蜀竹絃，楚絲

清哇宛轉聲相隨。夜靜酒闌佳月前。高張水引何
淵淵。美人矜名曲不誤。譚云文士亦不可無此念感響時時如
迸泉。趙琴素所嘉。齊謳世稱絕。箏歌一動凡音輟。
凝絃且莫停金疊。滌聲已闕雅聲來。游魚噉喁鶴
徘徊。主人高情始爲開。高情放浪出常格。偶世有
名道無跡。勲業先登上將科。文章已冠諸人籍。每
笑石崇無道情。輕身重色禍亦成。鍾云此下一段就事規美慈悲
方便。自是有君有佳人當禪伴。於中不廢學無生。道高僧之言
譚云轉愛君天然性寡欲。家貧祿薄常知足。謫官
無愠如古人。交道忘言比前躅。不意全家萬里來。

湖中再見春山綠吳興公舍幽且閒何妨寄隱在其間時議名齊謝太傅更有携妓似東山

○○秋宵書事寄吳馮

鍾云胸中妙氣成片裏出語景之妙不足以言之

真性在方丈寂寥無四鄰秋天月色正鍾云正字難解一經拈出便覺移不清夜道心真大夢觀前事浮名悟此詩中神境此身不知庭樹意榮落感何人譚云體物無間之言

○酬秦山人系題贈

出齋步杉影手自開禪扉花滿不汗地雲多從觸

永思山石蘚淨擬客露葵肥。果得宗居士論心到極微。

鍾云高閒靜遠。

○奉酬顏使君真卿見過郭中寺寺無山水之賞故予述其意以答焉。

州西柳家寺。禪舍隱人間。證性輕觀水。栖心不買山。履聲知客貴。雲影悟身閒。彥會前賢事。方今可得攀。

○酬烏程楊明府華雨後小亭對月見呈
夜涼喜無訟。霽色搖閒情。暑退不因雨。陶家風自

清凝絃停片景發詠靜秋聲何事禪中隱詩題忽
記名。

○獨遊

臨水興不盡。虛舟可同嬉。還雲與歸鳥。若共山僧
期。世事吾不預。此心誰得知。西峰有禪老。應見獨
游時。

鍾云見
字幽甚

○遊溪寺待月

溪色思泛月。松澗欲未歸。殘燈逢水店。疎磬憶山
扉。夜浦魚驚少。空林鵲遶稀。可中纔望見。撩亂擣
寒衣。

○晦夜李侍御萼宅集招潘述湯衡海上人飲

茶賦

晦夜不生月。琴軒猶爲開。

鍾云幽情高典言外可想

牆東隱者

在淇上逸僧來。茗愛傳花飲。詩看卷素裁。風流高此會。曉景屢徘徊。

○寄昱上人上方屋

厭向人間住。逢山欲懶歸。片雲閒似我。日日在禪扉。地靜松陰遍。門空鳥語稀。夜涼疎磬盡。師友自相依。

○啼猿送客

萬里巴江水。三聲月峽深。何年有此路。鍾云。悲感無窮。
幾客共沾襟。斷壁分垂影。流泉入苦吟。淒涼離別後。聞此更傷心。

○送陸鴻漸不遇

移家雖帶郭。野徑入桑麻。近種籬邊菊。秋來未著花。鍾云。不遇之妙。在此。叩門無犬吠。欲去問西家。二語。不須下文。注明。
報道山中去。歸來每日斜。

懷舊山

一坐西林寺。從來未下山。不因尋長者。無事到人間。宿雨愁爲客。寒花笑未還。空懷舊山月。童子念

經聞

○雜言重送皇甫侍御曾

人獨歸日將暮孤帆帶孤嶼遠水連遠樹難作別時路

○五言建元寺晝公與崔秀才見過聯句與鄭

奉禮說同作

人間宜歲晚道者訪幽期獨與寒山別行當暮雪

時皇甫曾栢臺辭漢主竹寺寄潛師荷筴知君待開

門笑我遲晝暮堦縣雨足寒吹繞松枝理辨塵心

妄經分梵字疑鄭久承黃紙詔曾賦碧雲詩然

驚相許風流話所思崔子。筌忘心已默。磨發夜樹。
其願結求羊侶。名山從所之。曾

○五言與崔子向泛舟自招橘經箬里宿天居
寺憶李侍御萼渚山春遊後期不及聯一十
六韻以寄之

晴日春態深。寄遊恣所適。晝寧妨花木亂。轉學心
耳寂。子取性憐鶴高。謀閒任山僻。晝倚絃息空曲。
捨屨行淺磧。子渚箬入里逢。野梅到村摘。晝碑殘
飛雉嶺。井驛潛龍宅。子壞寺隣壽陵。古壇畱劫石。
晝穿堦筍節露。拂瓦松梢碧。子天界細雲還。堦陰

雜英積畫懸燈繼前焰遙月昇圓魄何意清夜
期坐爲高峰隔畫茗園可交袂藤潤好停錫何微
雨聽濕巾逆流從點席畫戲猿隔枝透驚鹿逢人
擲子觀物賞已奇感時思彌極畫芳菲如馳箭望
望共君惜子

○七言與李司直令從荻塘聯句一首

畫舸悠悠荻塘路真僧與我相隨去寒花似菊不
知名霜葉如楓是何樹李令從倦客經秋夜共歸情
多語盡明相顧遙城候騎來仍少傍嶺哀猿發無
數畫心閒清淨聞禪寂興逸縱橫問章句蟲聲切

切草間悲螢影紛紛月前度從撩亂雲峰好賦詩
嬋娟水月堪爲喻與君出處本不同從此還依舊
山住晝

鍾云每讀唐人聯詩警句歎唐詩佳而不
得傳後者何限

僧無可

○遊山寺

千峰路盤盡林寺昔何名步步入山影房房聞水
聲多年人跡斷殘照石陰清自可求居止安閑過
此生

○寄華州馬戴

三峰待秋上。鳥外掛衣巾。猶見無窮景。應非暫住身。
鍾云水寒仙掌路。山遠華陽人。欲問壇邊月。尋思闕復新。

○寄青龍寺原上人

歛屨入寒竹。
鍾云寫幽事入細。安禪過漏聲。高杉殘子落。

深井凍痕生。罷磬風枝動。懸燈雪屋明。何當招我宿。乘月上方行。

○秋寄從兄賈島

暝蟲喧暮色。默思坐西林。聽雨寒更徹。閉門落葉

深昔因京邑病併起洞庭心。亦是吾兄事。遲迴共至今。

○秋日寄厲玄先輩

楊柳起秋色。故人猶未還。別離俱自老。少壯豈能閒。夜雨吟殘燭。秋城憶遠山。何當一相見。語默此林閒。

○題青龍寺縱公房

從誰得法印。不離上方傳。夕磬城霜下。寒房竹月圓。煙殘衰木畔。客住積雲邊。未隱滄洲去。時來於此禪。

○贈圭峰禪師

絕、磬、禪、床、底、泉、分、落、日、層、霧、交、高、頂、草、雲、隱、下、方、
燈、朝、滿、傾、心、客、谿、連、學、道、僧、鍾云連字半、旬、持、一、
食、此、事、有、誰、能、

○金州別姚合

日、日、西、亭、上、春、畱、到、夏、殘、言、之、離、別、易、勉、以、道、途、
難、譚云高僧何嘗不具深情山、出、一、千、里、溪、行、三、百、灘、松、間、樓、
裏、月、秋、入、五、陵、看、

○夏日送崔秀才

南、方、山、水、地、念、子、爲、貧、遊、縱、是、逢、佳、景、那、能、緩、旅、

愁夕陽行遠道。煩暑在孤舟。莫向巴江過。猿啼感淚流。

○其二

斲收丹陛跡。獨往亂山居。入雪知人遠。眠雲覺俗虛。足垂巖頂石。纓濯洞中渠。只見僧酬答。新歸絕壑清。

○送韓校書赴江西

車馬東門別。揚帆過楚津。花繁期到幕。雪在已離秦。吟落江沙月。行飛驛騎塵。猿聲孤島雨。草色五湖春。折葦鳴風岸。遙煙起暮蘋。鄱江連郡府。高興

寄何人。

僧靈一

○溪行卽事

近夜山更碧。入林溪轉清。不知伏牛地。潭洞何縱橫。曲岬烟初合。平湖月未生。孤舟屢失道。但聽秋泉聲。

鍾云不須作禪語。自是定慧中。有獲之言。

○酬皇甫冉將赴無錫雲門寄別

湖南通古寺。來往意無涯。欲識雲門路。千峰向若耶。春山子猷宅。古木謝敷家。自是長俱隱。那云相去賒。

僧法振

○疾愈寄友人

哀樂暗成疾。

鍾云禪寂人靜中體貼。乃能入情之深如此。

臥中芳月移。

西山有清士。孤嘯不可追。擣藥曙林靜。汲泉陰澗

遲。微蹤與麋鹿。遠謝求羊知。

○陳九溪中草堂

溪草落。濺濺魚飛入稻田。

鍾云奇境。

早寒臨洞月。輕素

卷簾烟。頗憤題新句。簑衣象古賢。曙花開秀色。三

十六峰前。

○月夜泛舟

西塞長雲盡。南湖片月斜。漾舟人不見。臥入武陵

花。

鍾云臥入二字其妙在目

靈澈

○○華頂

鍾云極深。極廣。極孤。極高。二十字中抵一

篇大遊記。

中。天臺衆峰外。華頂當其空。有時半不見。崔嵬在雲

僧清江

○送贊律師歸嵩山

禪客歸山意。山瀾定易安。清貧修道苦。孝友別家難。雲路尋溪轉。花宮映嶽看。到時松塔暮。松月向人寒。

劉采春

○羅噴曲

莫作商人婦。金釵當卜錢。朝朝江口望。錯認幾人船。

虎丘鬼

○大曆十三年虎丘寺石壁鬼詩

神仙不可學。形化空遊魂。白日非我朝。

譚云

青松

爲我門

鍾云陸士衡陶淵明軌歌詠不到此

雖復隔幽壠猶知念子

孫

譚云苦趣在此

何以遣悲怨萬物歸其根

鍾云止此便深寄言

世上人莫厭臨芳樽莊生問枯骨王樂復虛言

鍾云此詩出於大曆其語氣幽厚決是唐

以前高手

無名氏

○秦家行

鍾云垂戒千古之言

彗孛飛光照天地九天九裂屯冤氣鬼哭聲聲怨
趙高宮花滴盡扶蘇淚禍起蕭牆不知戢羽書催

唐詩歸

卷之五

十五

三

築長城急。劔上忠臣血未乾。沛公已向函關入。

濡口女郎

○感懷詩

海門連洞庭。每去三千里。十載一歸來。辛苦瀟湘。

鍾云五

好

唐詩歸卷第三十三目錄

晚唐一

杜牧

秋晚與沈十七舍人期遊樊山不至

山寺

句溪夏日送盧霽

秀才歸王屋山將欲赴舉

題華清宮絕句

山行

邈上聞胡笳

許渾

將歸塗口宿鬱林寺道玄上人院

歲暮自廣江至新興往復中題峽中寺

送宋處士

雍陶

哀蜀人爲南詔所俘 和孫明府懷舊山

朱慶餘

汎溪

宿陳處士書齋

與賈島顧非熊無可上人宿萬年姚少府

宅

送淮陰丁明府

尋賈島所居

題毗陵上人院

將之上京別淮南

書記李侍御

題胡氏溪亭

贈陳逸人

湖中閑夜遣興

和處州使君新開南溪

送陳標

杭州送蕭寶校書

宮詞

李商隱

房中曲

韓碑

蟬

無題

落花

雨

晚晴

春宵自遣

夜出西溪

有感

過楚宮

嫦娥

寄蜀客

溫庭筠

早秋山居

寄山中人

鄠郊別墅寄所知

題薛昌之所居

劉威

冬夜旅懷

劉得仁

聽夜泉

許琳

送新羅客歸

中秋夜懷

寄懷孫處士

鄭巢

送琇上人

段成式

題谷隱蘭若

薛能

此路去

昇平詞

送禪僧

秋晚送無可上人

恭僖皇太后挽詞

宋氏林亭

趙嘏

汾上宴別

東歸道中

越中寺居

晚發

長安月與友人語故山

早發剡中石城寺

尋僧詩

發柏梯寺

唐詩歸卷第三十三目錄

終

唐詩歸卷第三十三

景陵

鍾惺伯敬父

選定

譚元春友夏父

古吳劉

駁典生父重訂

晚唐一

鍾云看晚唐詩。但當采其妙處耳。不必問其某處似初盛與否也。亦有一種高遠之句。不讓初盛者。而氣韻幽寒。骨響崎嶇。卽在至妙之中。使人讀而知其爲晚唐。其際甚微。作者不自知也。

杜牧

○秋晚與沈十七舍人期遊樊山不至

邀侶以官解泛然成獨遊

譚云千古遊山通病。遊侶二字誠不易言。

川

光初媚日山色正矜秋

鍾云矜字異。想無窮。

野竹疎還密巖

泉咽復流杜村連潏水晚步見垂釣

鍾云蕭然

○山寺

峭壁引行徑截溪開石門泉飛濺虛檻雲起漲

軒隔水看來路疎籬見定猿未開難久住歸去復

何言

鍾云慨然感深。

○句溪夏日送盧霽秀才歸王屋山將欲赴舉

野店正分泊。繭蠶初引絲。譯云借事紀時是古詩法行人碧溪渡。繫馬綠楊枝。苒苒跡始去。悠悠心所期。秋山念君別。惆悵桂花時。

鍾云澹然深情。

○題華清宮絕句

長安迴望繡成堆。山頂千門次第開。一騎紅塵妃子笑。無人知是荔枝來。鍾云可見可想

○山行

遠上寒山石徑斜。白雲生處有人家。停車坐愛楓林晚。霜葉紅於二月花。

○邊上聞胡笳

何處吹笳薄暮天。塞垣高鳥沒。狼煙遊人一聽頭。
堪白。蘇武曾禁十九年。

許渾

○將歸塗口宿鬱林寺道玄上人院

春尋採藥翁。歸路宿禪宮。雲起客眠處。月殘僧定
中。藤花深洞水。櫨葉滿山風。清境不能住。朝朝慙
遠公。

鍾云亦妙。然覺未開難久住。二語深永。○譚云得力在慙字。

○歲暮自廣江至新興往復中題峽山寺

月。在行人起。

譚云極真便妙。

千峰復萬峰。海壚爭翡翠。谿

邏園芙蓉

鍾云爭園二字俱有意然明在一處便礙真氣此中晚人易犯之病。古木

高生榭陰池滿種松火探深洞燕香送遠潭龍藍
塢寒先燒禾堂晚併春更投何處宿西峽隔雲鐘

○送宋處士

賣藥修琴歸去遲山風吹落桂花時世間甲子須
臾過逢着仙人莫看碁

鍾云荒誕而有至理有異情

雍陶

○哀蜀人爲南詔所俘

雲南路出洱河西毒草長青瘴霧低漸近蠻城誰
敢哭一時收淚羨猿啼

鍾云啼有何可羨傷心在此一字

○和孫明府懷舊山

五柳先生本在山。偶然爲客落人間。秋來見月多歸思。自起開籠放白鵬。鍾云見月放鵬與歸思何干其妙可想。譚云深淡

朱慶餘

○汎谿

曲渚迴花舫。生衣臥向風。鳥飛溪色裏。人語棹聲中。餘卉纔分影。譚云分字細。新蒲自作叢。鍾云四句皆語亦是。前灣更幽絕。雖淺去猶通。

○宿陳處士書齋

結茅當此地下。馬見高情。鍾云真而爽。旅葉寒塘晚。杉

陰白石明向。鑪新茗色。鍾云新字眼向字妙景妙理。隔雪遠鐘

聲。譚云隔雪二字有景。閑得相逢少。吟多寐不成。

與賈島顧非熊無可上人宿萬年姚少府宅

鍾云情辭到極真處。雖不深亦妙。亦有真而不盡妙者。筆不活故也。詩可以不深。不可以不活。於此詩起結悟其法。

莫厭通宵坐。貧中會聚難。堂虛雪氣入。燈在漏聲殘。役思因生病。當禪豈覺寒。開門各有事。非不惜餘歡。譚云正是深惜與首二句呼應。

○送淮陰丁明府

之官未及境。已有愛人心。遣吏廻中路。停船看遠林。鳥聲淮浪靜。雨色稻苗深。數日公門掩。唯聞伴客吟。

○尋買島所居

求閒身未得。此日到京東。獨在鐘聲外。譚云聲相外便遠相逢山色中。誰言人漸老。所向意皆同。鍾云感月上因畱宿。鍾云此句接得甚妙移床對藥叢。

○題毗陵上人院

院深終日靜。落葉覆秋蟲。鹽漱新齋後。修行未老中。映松山色遠。隔水磬聲通。此處宜清夜。高吟永

與同

○將之上京別淮南書記李侍御

心地偶相見。語多爲別難。詩成公府晚。路入翠微寒。逢石自應坐。有花誰共看。身爲當去雁。雲盡到長安。

題胡氏溪亭

亭與谿相近。無時不有風。澗松生便黑。野蘚看多紅。雨足秋聲後。山沈夜色中。主人能守靜。略與客

心同。

鍾云此客正自占地步。

○贈陳逸人

樂道辭榮祿安居桂水東得閒多事外知足少年
鍾云大占便宜語中說得未必做得藥圃無凡草松庭有素風朝
昏吟步處琴酒與誰同

○湖中閒夜遣興

釣艇同琴酒鍾云趣事良宵背水濱風波不起處星月
盡隨身鍾云偶獲奇語作者不知浦迴湘煙卷林香嶽氣春誰
知此中興寧羨五湖人

○和處州使君新開南溪

地里光圖讖樵人共說深悠然高蹕坐使變荒
岑疏鑿因殊舊亭臺亦自今靜容猿暫下閒與鶴

同尋轉旆馴禽起，褰帷瀑溜侵。石稀潭見底，嵐暗樹無陰。躋險難通屐，攀栖稱抱琴。雲風開物意，識人心。攜榼巡花遍，移舟惜景沈。世嫌山水僻，誰伴謝公吟。鍾云二語殊自笑人

○送陳標

鍾云此詩篤情重義，遠勝欲別牽郎衣一首者。以滿酌勸僮僕五字意頭不同故也。
滿酌勸僮僕。鍾云厚在五字不必終篇好隨郎馬蹄。春風慎行李，莫上白銅鞮。

○杭州送蕭寶校書

馬識青山路。人隨白浪船。別君猶有淚。學道謾經

年。

鍾云迂厚情至

○宮詞

寂寂花時閉院門。美人相竝立瓊軒。含情欲說宮中事。鸚鵡前頭不敢言。鍾云纖而添

李商隱

○房中曲

鍾云苦情幽豔○譚云情寓纖冷。

薔薇泣幽素。翠帶花錢小。嬌郎癡若雲。鍾云妙在無謂抱日西簾曉。枕是龍宮石。割得秋波色。玉簫失柔膚。

但見蒙蘿碧憶得前年春未語含悲辛歸來已不見錦瑟長於人今日澗底松明日山頭蘂愁到天池翻相看不相識

○○韓碑

鍾云一篇典謨雅頌大文字出自纖麗手中尤爲不測○譚云文章語作詩畢竟要看來是詩不是文章

元和天子神武姿彼何人哉軒與義誓將上雪列聖恥坐法宮中朝四夷淮西有賊五十載封狼生區生罷不據山河據平地長戈利矛日可麾帝

得聖相相曰度。賊斫不死神扶持。腰懸相印作都
統。陰風慘淡天王旗。愬武古通作牙爪。儀曹外郎
載筆隨。行軍司馬智且勇。十四萬衆猶虎貔。入蔡
縛賊獻太廟。功無與讓恩不訾。帝曰汝度功第一。
汝從事愈宜爲辭。愈拜稽首蹈且舞。金石刻畫臣
能爲古者世稱大手筆。此事不繫於職司。鍾云當
特識仁自古有不讓。言訖屢頷天子頤。公退齋戒坐小
閣。濡染大筆何淋漓。點竄堯典舜典字。塗改清廟
生民詩。鍾云二語是
此詩大主意文成破體書在紙。清晨再拜
鋪丹墀。表曰臣愈昧死上。詠神聖功書之碑。碑高

三丈字如手。負以靈鼈。蟠以螭。句奇語重。喻者少。
讒之天子。言其私。長繩百尺。拽碑倒。麤沙大石。相
磨治。公之斯文。若元氣先時。已入人肝脾。鍾云文
草定價
就得帝
王無權湯盤孔鼎。有述作。今無其器。存其辭。譚云
比例
甚嗚呼聖皇及聖相。相與烜赫流淳熙。公之斯文
不示後。曷與三五相攀追。願書萬本。誦萬過。口角
流沫。右手舐。傳之七十有二代。以爲封禪玉檢明
堂基。

○○○蟬

本以高難飽。

鍾云五字
名士贊。

徒勞恨費聲。五更疎欲斷。

一樹碧無情。鍾云三字令極幻極。薄宦梗猶泛。故園蕪已平。

○無題

照梁初有情。出水舊知名。裙衩芙蓉小。釵茸翡翠輕。錦長書鄭重。眉細恨分明。鍾云幽細婉變。莫近彈碁局。中心最不平。譚云末語子夜讀曲妙想。

○落花

鍾云俗儒謂溫李作落花詩不知何如纖媚詎意高雅乃爾。

高閣客竟去。鍾云落花如此起無謂而。小園花亂

有至情。譚云調亦高。

飛參差連曲陌。迢遞送斜暉。腸斷未忍掃。鍾云情苦語深

○雨

撼撼度瓜園。依依傍竹軒。秋池不自冷。鍾云三字

老杜無此筆力。風葉共成喧。窗迴有時見。簷高相續翻。鍾云非

像侵宵送書雁。應爲稻梁恩。鍾云晚唐如此結法何嘗不極深厚

○晚晴

深居俯夾城。春去夏猶清。天意憐幽草。人間重晚晴。

鍾云妙。併添高閣迥。鍾云此句說晚晴其妙難知。微注小窗

明。越鳥巢乾後。歸飛體更輕。

○春宵自遣

地勝遺塵事。身閒念歲華。晚晴風過竹。深夜月當

花。

鍾云當字有景尤有情。

石亂知泉咽。苔荒任徑斜。陶然恃

琴酒。

譚云琴酒字熟在一恃字點化。

忘却在山家。

○夜出西溪

東府憂春盡。

鍾云憂字又生一意。

西溪許日曛。月澄新漲水。

星見欲銷雲。柳好休傷別。

鍾云無奈何作翻案語。

松高莫出

羣。軍書雖倚馬。猶未當能文。

○有感

鍾云風切時事詩。典重有體。從老杜傷春

等作得來

丹陛猶敷奏，彤庭歛戰爭。臨危對盧植，始悔用龐
萌。御仗收前殿，兇徒劇背城。蒼黃五色棒，掩遏一
陽生。古有濤君側，今非乏老成。鍾云鄭重流起素心雖未
易，此舉太無名。誰瞑含冤目，寧吞欲絕聲。還聞關
壽讎，不廢用咸英。

○過楚宮

巫峽迢迢舊楚宮，至今雲雨暗丹楓。微生盡戀人
間樂，只有曩王憶夢中。鍾云亦笑得呆人妙

○嫦娥

雲母屏風燭影深。長河漸落曉星沈。嫦娥應悔偷
靈藥。碧海青天夜夜心。鍾云語想俱刻此三字却下得深渾

○寄蜀客

鍾云極刻之語極正之意。○譚云讀此使人不敢言佳人才子四字。

到臨邛。問酒壚。近來還有長卿無。金徽却是無物。不許文君憶故夫。

溫庭筠

○早秋山居

山近覺寒早。草堂霜氣晴。樹凋窗有日。池滿水無。

聲。鍾云五字。雖小景。却是深思。嘗見中山。葉落見猿過。葉乾聞鹿行。
素琴機慮靜。空伴夜泉清。

○寄山中入

月中一雙鶴。石上百尺松。素琴入爽籟。山酒和春容。
幽瀑有時斷。片雲無所從。鍾云句。孤迥。何事蘇門坐。
携手東南峰。

○鄆郊別墅寄所知

持願望平綠。萬景集所思。南塘過新雨。百草生容姿。
幽鳥不相識。鍾云幽情微語。美人如何期。譚云十字連讀。尤有氣運。
徒然委搖蕩。惆悵春風時。

○題薛昌之所居

鍾云澹冶近古。

所得乃清曠寂寥常掩關獨來春尚在。鍾云幽相。
得暮方還花白風露晚柳青街陌閒翠微應有雪。
窗外見南山。

劉威

○冬夜旅懷

寒窗危竹枕月過半牀陰。嫩葉不歸夢。譚云至情。
晴蟲成苦吟。酒無通夜力事滿五更心。鍾云此等語又妙在
透寂寞誰相似。鍾云相似二字妙。殘燈與素琴。

劉得仁

○聽夜泉

靜裏層層石

鍾云石承靜裏說來妙矣。看他層層二字何等幽細。

潺湲到鶴

林流迴出幾洞源遠歷千岑

譚云節奏

寒助空山月清

兼此夜心

鍾云清微語。一片真氣在內。

幽人聽達曙難罷

林

吟

許琳

○送新羅客歸

君家滄海外一別見何因風土難知教程途自致

貧

鍾云險遠盡此五字。

漫天波色晚橫吹鳥行春明發千楫

下。應爲更遠人。

○中秋夜懷

趨馳早晚休一歲又殘秋。若只如今日何難致白
頭。鍾云苦調難讀。滄波歸處遠。旅舍向邊愁。賴見前賢說
窮通不自由。鍾云極深重之結。譚云大識力語。

、寄懷孫處士

生平酌與吟。誰是見君心。上國一歸去。滄波閒至
今。鍾繁秋寺遠。岸闊晚濤深。疎放長如此。何人更
得尋。

鄭巢

○送琇上人

鍾云有清痕。

古殿焚香外。清羸坐石稜。茶煙閒瓦雪。鶴跡上潭
水。孤磬侵雪動。靈山隔水登。白雲歸意遠。舊寺在
廬陵。

段成式

○題谷隱蘭若

鍾云自成堅響。

風帶巢熊柶樹聲。老僧相引入雲行。半坡新路畬
纔了。一谷寒煙燒不成。

薛能

此路去。

鍾云意盡語切。無復有餘。然不如此不妙。

汲汲復營營。東西連兩京。關繻古若在山岳。累應

成。各自有身事。不相知姓名。鍾云寫盡市朝情事可笑。交馳兼

衆類。分散入重城。此去應無盡。萬方人旋生。鍾云

下得空餘片言苦。來往覓劉楨。奇

○昇平詞

鍾云朝廟詩。不貴喧闐。而貴清肅。此作之

妙在此。

寥、次、敞、延、英、朝、班、立、位、橫、宣、傳、無、草、動、拜、舞、有、衣、

聲。

鍾云草動衣聲微矣尤妙在無字有字看他細心

鴛、瓦、霜、消、濕、蟲、絲、日、

照、明、辛、勤、自、不、到、遙、見、似、前、生、

鍾云典想

○送禪僧

寒、空、孤、鳥、度、落、日、一、僧、歸、近、寺、路、聞、梵、出、郊、風、滿、
衣、步、搖、餅、浪、起、孟、憂、磬、聲、微、還、坐、棲、禪、所、荒、山、月、
照、扉、

○秋晚送無可上人

半、夜、覺、松、雨、

鍾云覺字靜極

照、書、燈、悄、然、

鍾云燈字揮得生而妥覺悄然

二字

河、聲、纔、浙、瀝、舊、業、已、潺、湲、坐、滴、寒、更、盡、吟、驚、

宿鶴遷。相思不相見。日短復愁牽。

○恭僖皇太后挽歌詞

配聖三朝隔。靈儀萬姓哀。多年好黃老。舊日薦賢才。
鍾云太后詩如此。用事甚不僻。而道著標形。管人多不能一用出。便覺典而新妙。宮閒閒綠苔。平生六衣在。曾著祀高禰。

○宋氏林亭

鍾云林亭詩幽灑易真朴難絕句尤難。

地濕莎青雨後天。桃花紅近竹林邊。行人本是農桑客。記得春深欲種田。

趙嘏

○汾上宴別

雲物如故鄉。山川知異路。年來未爲客。

譚云來爲客三字深

馬上。春色暮。一樽花下酒。殘日水西樹。不待管絃

終。搖鞭背花去。

鍾云灑然悽然俱在五字

○東歸道中

鍾云一氣流轉讀之落落然盛唐妙律。○

譚云篇法甚妙不專在寫景寫情。

未明喚童僕。江上憶殘春。

鍾云此憶字有喚字有情

風雨落花。

夜山川。驅馬入星星。三鏡髮草草。百年身。

譚云草草二字

此日念前事。滄洲情更親。

○越中寺居

遲客疎林下，斜溪小艇通。野橋連寺月，高竹半樓風。
水靜魚吹浪，枝閒鳥下空。數峰相向綠，鍾云相向二字日夕郡城東。

○晚發

旅行宜早發，况復是南歸。月影緣山盡，鐘聲隔浦微。
殘星螢共映，葉落鳥驚飛。去去渡南渚，村深人出稀。

○長安月與友人語故山

宅邊秋水浸苔磯，日日持竿去不歸。楊柳風多潮

未落兼葭霜落鴈初飛。重嘶匹馬吟紅葉。却聽疎鍾憶翠微。今夜秦關滿城月。故人相見一沾衣。

鍾云清便不減劉隨州。

○早發剡中石城寺

鍾云清遠幽靜氣完力渾。七言律至此使人不敢復言朝代也。

暫息勞生樹色間。平明幾慮又相關。吟辭宿處烟。

霞去心負秋來水石間。

鍾云上句之妙在烟霞去三字。下句之妙在心負秋

來四字。

竹戶半開鐘未絕。

譚云靜極。松枝靜處鶴初還。明

朝一倍堪惆悵。回首塵中見此山。

鍾云三字得力。遂成妙結。

○尋僧詩

溪戶無人谷鳥飛。石橫喬木挂僧衣。
看雲日暮倚松立。野水亂鳴僧未歸。

○發柏梯寺

一泓秋水千竿竹。靜得勞生半日身。
猶有向西無限地。別僧騎馬入紅塵。
譚云笑盡俗僧

唐詩歸第三十三卷

唐詩歸卷第三十四目錄

晚唐二

馬戴

春思

過野叟居

寄終南真空禪師

楚江懷古二首

其二

早發故園

宿翠微寺

送僧歸金山寺

新秋雨霽宿王處士東郊

送人遊蜀

別家後次飛狐西

卽事

洛中寒夜姚侍御

唐詩歸

卷三十四 目錄

宅懷賈島

宿裴氏谿居懷厲

玄先輩

宿賈島原居

春日尋漣川王處士

夕次淮口

落日悵望

宿無可上人房

浙江夜宿

答太原從軍楊員

外送別

送韓校書江西從

事

項斯

寄石橋僧

送歐陽袞歸閩中

送僧歸南岳

留別張郎中

小古鏡

曹鄴

補漁謠

風人體

四望樓

奉命齊州推事畢

寄本府尚書

下第寄知己

薊北門行

代羅敷詣使君

怨歌行

和潘安仁金谷集

薄命妾

始皇陵下作

古詞

和謝豫章從宋公

戲馬臺送孔令謝病

送進士李殷下第遊汾河

霽後作

送友人入塞

送進士下第歸南海

碧潯宴上有懷知

已

其一怨

其二怨

其三怨

其四怨

以上四怨

其一愁

其二愁

其三愁

以上三愁

其一情

其二情

其三情

其四情

其五情

以上五情

蚤起

甲第

陳陶

巫山高

鍾陵道中

隴西行

李頻

送徐處士歸江南

送茶山人歸洞壑

山中夜坐

越中行

于武陵

宿江口

南遊

訪道者不遇

高樓

李羣玉

盧溪道士

湖寺清明夜遣懷

杜荀鶴

春宮怨

出常山界使回有

寄

經廢宅

別衡州牧

寄李溥

霽後登唐興寺水閣

別從叔

送人宰吳縣

唐詩歸卷第三十四目錄終

唐詩歸第三十四卷

景陵

鍾惺伯敬父

選定

譚元春友夏父

古吳劉敦典生父重訂

晚唐二

馬戴

鍾云晚唐詩有極妙而與盛唐人遠者有
不必妙而氣脉神韻與盛唐人近者不必
妙三字甚難到亦難言妙不足以擬之矣
惟馬戴猶存此意然皆近體耳

○春思

鍾云幽婉有古詩性情。

初日照楊柳。玉樓含翠陰。啼春獨鳥思。望遠佳人。

心。鍾云淺幽怨。貯瑤瑟。韶光凝碧。林所思。曾不見。

芳草意空深。譚云意字。說芳草妙。

○過野叟居

鍾云此詩以起結高妙。遂成絕響。

野人閑種樹。樹老野人前。譚云五字內。居止白雲。

內漁樵。滄海邊。呼兒採山藥。放犢飲溪泉。自著養

生論。無煩憂暮年。鍾云自著無煩四字。實養生家讀之內。皆揚然。

○寄終南真空禪師

閑愁白雲外。了然清淨僧。鍾云起得高澹松門山半寺。夜

雨佛前燈。此境可長住。浮生自不能。一從林下別。

瀑布幾成冰。

○楚江懷古

露氣寒光集。譚云光集妙永氣字尤妙微陽下楚丘。猿啼洞庭

樹。人在木蘭舟。鍾云二語以連讀為情景廣澤生明月。蒼山夾

亂流。雲中君不降。竟夕自悲秋。

○其二

野風吹蕙帶。驟雨滴蘭橈。屈宋竟冥冥。江山思寂

夢鍾云此壯陰電侵晚景海樹入迴潮欲折寒芳薦明神詎可招

○早發故園

語別在中夜登車離故鄉鍾云寫景目前情在言外曙鍾寒出嶽譚云看殘月迴凝霜風柳條多折沙雲氣盡黃行逢海西鴈零落不成行

○宿翠微寺

處處松陰滿樵開一逕通鳥歸雲壑靜僧語石樓空積翠含微月遙泉韻細風經行心不厭憶在故山中

○送僧歸金山寺

金陵江色裏。蟬急向秋分。迥寺橫洲島。歸僧渡水。
雲。夕陽依岸盡。清磬隔潮聞。遙想禪林下。爐香帶
月焚。

○新秋雨霽宿王處士東郊

夕陽逢一雨。夜木洗清陰。露氣竹窻靜。秋光雲月
深。煎嘗靈藥味。話及故山心。得意兩不寐。微風生
玉琴。

○送人遊蜀

別離楊柳陌。迢遞蜀門行。若聽清猿後。應多白髮
生。

生虹蜺侵棧道風雨雜江聲過盡愁人處

鍾云因過盡二

字。愴然。末五字遂成悲響。煙花是錦城。

○別家後次飛狐西卽事

遠歸從此別親愛失天涯去國頻迴首方秋不在

家

鍾云用筆圓秀

鳴蛩聞塞路冷鴈背龍沙西次桑乾曲

洲中見荻花

譚云結得澹甚

○雒中寒夜姚侍御宅懷賈島

夜木動秋色雒陽城闕深如何異鄉思更抱故人心微月關山遠閒堦霜霰侵誰知石門路待與子同尋

○宿裴氏谿居懷鴈玄先輩

樹下孤石坐。草間微有霜。

鍾云淒感

同人不同北。雲鳥

自南翔。迢遞夜山色。清冷泉月光。西風耿離抱。江海遙相望。

○宿賈島原居

寒鴈過原急。渚邊秋色深。煙霞向海島。風雨宿園林。俱佳明時願。同懷故國心。未能先隱跡。聊此一相尋。

○春日尋澹川王處士

鍾云只是一靜。

碧草徑微斷。白雲扉晚開。罷琴松韻發。鑒水月光來。宿鳥排花動。樵童澆竹迴。與君同露坐。澗石拂青苔。

○夕次淮口

鍾云靜深奧。渾合八句讀之。始見其妙。天涯秋光盡。木末羣鳥還。夜久遊子息。月明岐路閒。風生淮水上。帆落楚雲間。此意竟誰見。行行非故關。

○落日悵望

譚云高寂中寬然有餘。右丞妙作也。

孤雲與歸鳥。千里片時間。念我一何滯。辭家久未還。微陽下喬木。遠色隱秋山。臨水不敢照。恐驚平昔顏。

鍾云孑然高調氣亦完

○宿無可上人房

稀逢息心侶。細話遠山期。河漢秋聲夜。杉梧露滴時。風傳林磬響。月掩草堂遲。鍾云遲字難解而切坐臥禪心在。浮生皆不知。

○浙江夜宿

落帆人更起

譚云像

露草滿汀洲。遠矚啼荒嶠。孤螢

瀟漫流積陰。開片月。爽氣集高秋。去去胡爲。瀨寒芳時一遊。

、○答太原從軍楊員外送別

鍾云圓渾疎秀

君將海月珮。贈之光我行。譚云真見知言不淺懷

報意非輕反。照臨岐思中年未達情。鍾云五字妙矣承反照說

來尤覺無端河梁人送別。秋漢鴈相鳴。衰柳搖邊吹寒

雲。冒古城西遊。還獻賦。應許託平生。

○送韓校書江西從事

出關寒色盡。雲夢草生新。鴈背嶽陽雨。客行江上

春遙程隨水闌。枉路倒帆頻。夕照臨孤館，朝霞發廣津。湖上潮半隔，郡壁岼斜鄰。自此鍾陵道，裁書有故人。

項斯

○寄石橋僧

逢師入山日。道在石橋邊。別後何時見。秋來幾處禪。溪中雲隔寺。夜半雪添泉。鍾云此句有景生有天台約。知無却出緣。

○送歐陽袞歸閩中

秦城幾年住。猶着故鄉衣。失意時相識。成名後獨

歸海秋蠻樹黑嶺夜瘴禽飛爲學心難滿知君更掩扉

鍾云厚

○送僧歸南嶽

心知衡嶽路不怕去人稀船裏誰鳴磬沙頭自曝衣
有家從小別是寺卽言歸料得逢春住當禪雲滿扉

○畱別張郎中

省中重拜別兼領寄人書譚云如見已念此行遠不應
相問疎子城西竝宅御水北同渠要取春前到乘閒候起居

鍾云寫得真至。

○小古鏡

字已無人識。唯應記鑄年。見來深似水。携去重於錢。鸞翅巢空月。菱花徧小天。鍾云巧思宮中照黃帝。曾得化為僊。

曹鄴

鍾云此君艷詩好手。以快情急響為妙。而少含蓄。若含蓄則不能妙。選者無處着手矣。采其妙處。則其餘當耐之。此看中晚詩法也。

○補漁謠

鍾云直得妙

天子好征戰。百姓不種桑。天子好年少。無人薦馮唐。天子好美女。夫婦不成雙。

○風人體

出門行一步。形影便相失。何況大隄上。驄馬如箭疾。夜夜如織婦。尋思待成疋。鍾云樂府語郎只不在家。在家亦如出。將金與卜人。喬道遠行吉。念郎緣底事。不具天與日。

○四望樓

鍾云艷而寒。

背山見樓影。應合與山齊。座上日已出。城中未鳴
雞。無限燕趙女。吹笙上金梯。風起洛陽東。香過洛
陽西。譚云如風電。公子長夜醉。不聞子規啼。鍾云寫豪
華安樂人

○奉命齊州推事畢寄本府尚書

越鳥栖不定。孤飛入齊鄉。日暮天欲雨。那兼羽翎

傷。鍾云如此題用如州民言刺史。蠹物甚於蝗。受

命大執法。草草是行裝。僕隸皆分散。單車驛路長。

四顧無相識。奔馳若投荒。重門下長鎖。樹影空過

牆驅囚遶廊屋。穢穢如牛羊。獄吏相對語。簿書堆滿牀。敲枷打鎖聲。終日在目旁。既捨三山侶。來餘五斗糧。忍學空城雀。潛身入官倉。國中天子令。頭上白日光。鍾云天理王法之言。曲木用處多。不如直爲梁。恐孤食恩地。晝夜心不遑。仲夏天氣熱。鬚鬚忽成霜。社鼠不可灌。城狐不易防。偶于擒縱間。盡得見否臧。截斷姦吏舌。壁開冤人腸。明朝向西望。走馬歸汶陽。鍾云行徑乾涸。

○下第寄知已

鍾云不厭其透。

長安孟春至。枯樹花亦發。

鍾云亦字。便寫出寥落。

憂人此時

心冷若松上雪。自知才不堪。豈敢頻泣血。所痛無

罪者。明時屢遭別。

鍾云二語正是自傷。

故山秋草多。一卷成

古轍。夜來遠心起。夢見瀟湘月。大賢冠蓋高。何事

憐屑屑。不令傷弓鳥。日暮飛向越。聞此感激語。胸

中如有物。舉頭望青天。白日頭上沒。歸來通濟里。

開戶山鼠出。中庭廣寂寥。但見薇與蕨。無慮數尺

軀。委作泉下骨。唯愁攬清鏡。不見昨日髮。願憐閨

中女。晚嫁唯守節。勿惜四座言。女巧難自說。

譚云暗暗

傷懷之言

○薊北門行

長河凍如石。征人夜中戍。但恐筋力盡。敢憚將軍
遇。古來死未歇。白骨礙官路。豈無一有功。可以高
其墓。鍾云公道親戚牽衣泣。悲號自相顧。死者雖
無言。那堪生者悟。不如無手足。得見齒髮暮。乃知
七尺軀。却是速死具。

○代羅敷誚使君

常言愛嵩山。

鍾云常言二字。絕是婦人口語。

別妾向東京。朝來見

人說。却知在石城。未必菖蒲花。只向石城生。

譚云二語

怨而

自是使君眼。見物皆有情。麋鹿同上山。蓮藕

同在泥。莫學天上日。朝東暮還西。

○怨歌行

丈夫好弓劍。行坐說金吾。喜聞有行役。結束不待車。官田贈倡婦。畱妾侍舅姑。舅姑皆已死。庭花半是蕪。中妹尋適人。生女亦嫁夫。何曾寄消息。他處却有書。嚴風厲中野。女子心易孤。譚云三字却古甚貧賤又相負。封侯意何如。

○和潘安仁金谷集

太守龍爲馬。將軍金作車。香飄十里風。風下綠珠

歌。

鍾云風下二字其妙可想

莫怪坐上客。歎君庭前花。

譚云無端情至

明朝此池館。不是石崇家。

○薄命妾

薄命常惻惻。出門見南北。劉郎馬蹄疾。何處去。不得淚珠不可收。蟲絲不可織。知君綠桑下。更有新相識。

鍾云快調深情。

○始皇陵下作

千金買魚燈。泉下照狐兔。

鍾云三字便說得冰冷。

行人上陵

過却弔扶蘇。墓壘壘壙中物。多於養生具。

鍾云寫出秦皇

愚處在此五字。

若使山可移。應將秦國去。舜歿雖在前。今

猶未封樹

譚云風刺深澹

○古詞

譚云機警女郎之言。斷得惡少年心服。

高闕礙飛鳥。人言是君家。經年不歸去。愛妾面上花。妾面雖有花。妾心非女蘿。郎妻自不重。於妾欲

如何。

鍾云好看男子心。眼如此。纔是深於妬。妬亦有至理。

○和謝豫章從宋公戲馬臺送孔令謝病

碧樹香雲暮。朔風自西來。佳人憶山水。置酒在高臺。不必問流水。坐來日已西。勸君速歸去。正及鷓鴣啼。

鍾云題是古人只寫已意已調便好

○送進士李殷下第遊汾河

上國花照地。遣君向西征。旁人亦有恨。况復故人情。
單車欲云去。別酒忽然醒。如何今夜夢。半作道
路程。邊士不好禮。譚云三字妙全家住軍城。城中鼓角
嚴。旅客常夜驚。中有左記室。逢人眼光明。西門未
歸者。下馬如到京。還應一開卷。爲子心不平。慙慙
說忠抱。壯志勿自輕。

鍾云寫得悲爽

○霽後作

新霽辨草木。

鍾云已是玉孟妙語。

晚塘明衣衿。乳燕不歸宿。

雙雙飛向林。微照露花影。輕雲浮麥陰。無人可招隱。盡日登山吟。

○送友人入塞

亂蓬無根日。送子入青塞。蒼茫萬里秋。如見原野大。鳥雀寒不下。山川迥相對。一馬沒黃雲。登高望猶在。驚風忽然起。白日黯已晦。如何怨路長。出門天涯外。

○送進士下第歸南海

數片紅霞映夕陽。攬君衣袂更移觴。行人莫歎碧

雲晚。上國每年春草芳。鍾云說得開而老。雪過藍關寒氣薄。鴈回湘浦怨聲長。應無惆悵滄波遠。十二玉樓非我鄉。

○碧潯宴上有懷知己

荻花蘆葉滿溪流。一簇笙歌在水樓。金管曲長人盡醉。玉簪恩重獨生愁。女蘿力弱難逢地。桐樹心孤易感秋。莫怪當歡却惆悵。全家欲上五湖舟。

鍾云將七言律作艷情。以代樂府讀曲。亦惟晚唐人能之。

○四怨三愁五情詩十二首

非序

鬱於內者怨也。阻於外者愁也。犯於性者情也。三者有一賊于前。必爲顛爲沴爲蚤死人。鄴專仁誼久矣。有舉不得用心。恐中斯物。殞天命。幸未死間。作四怨三愁五情。以望詩人救。

○其一怨

美人如新花。許嫁還獨守。豈無青銅鏡。終日自疑醜。鍾云。與爲要好。多心轉惑。語似相類。而各有其妙。一是自喜。一是自悲。

○其二怨

庭花已結子。巖花猶弄色。誰令生處遠。用盡春風力。鍾云。二語安命。怨命俱在其內。

○其三怨

短髮一如螭。長眉一如蛾。相共棹蓮舟。得花不如他。
譚云不言怨。怨却甚深。

○其四怨

鍾云怨詩多是閨情。此又作農家語。新甚。
手推嘔啞車。朝朝暮暮耕。未曾分得穀。空得老農名。

○其一愁

遠夢如水急。白髮如草新。
譚云奇語。歸期待春至。春至還送人。

○其二愁

澗草短短、青山月朗朗、明此夜、目不掩、屋頭烏啼聲。

○其三愁

別家鬢未生、到城鬢似髮。鍾云奇。朝朝臨川望、灞水不入越。

○其一情

東西是長江、南北是官道、牛羊不戀山、只戀山中草。

鍾云涉世體物之言。

其二情

阿嬌生漢宮。西施住南國。專房莫相妬。各自有顏色。
鍾云見道之語。却是真妬。

○其三情

蛺蝶空中飛。天桃庭中春。見他夫婦好。有女初嫁人。

○其四情

檳榔自無柯。柳葉自無陰。常羨庭邊竹。生筍高於林。

○其五情

野雀空城饑。交交復飛飛。勿怪官倉粟。官倉無空時。

○蚤起

月墮滄浪西。門開樹無影。此時歸夢闌。立在梧桐井。

○甲第

鍾云調古。

遊人未入門。花影出門前。將軍來此住。十里無荒田。

陳陶

○巫山高

玉峰青雲十二枝。金母和雲賜瑤姬。花宮磊砢楚宮外。列仙八面星斗垂。秀色無雙怨三峽。

鍾云怨得無賴

春風幾夢襄王獵。青鸞不在嬾吹簫。班竹題詩寄江妾。飄飄散絲巴子天。苔裳玉轡紅霞幘。歸時白帝掩青瑣。瓊枝草草遺湘煙。

鍾云遺字說煙妙。草草尤妙。

○鍾陵道中

原隰經霜蕙草黃。塞鴻清息怨流芳。秋山落照見麋鹿。南國異花開雪霜。煙火近通盤瓠俗。水雲深入武陵鄉。曾逢齧決話東海。長憶蘭家青玉床。

○隴西行

誓掃匈奴不顧身。三千貂錦喪胡塵。可憐無定河
邊骨。猶是春閨夢裏人。譚云取
其苦想。

李頻

○送徐處士歸江南

行行野雪薄。寒氣日通春。譚云通
字妙。故國入芳草。滄

江終白身。遊歸花落滿。睡起鳥啼新。鍾云極傷心
之景。極有情。

之莫惜閒書札。鍾云閒
字感甚。西來問旅人。

○送茶山人歸洞庭

却共孤雲去。高眠最上峰。半湖垂蚤月。中路入疎

鐘。秋盡蟲聲急。夜深山雨重。當時同隱者。分得幾株松。

○山中夜坐

歸家來幾夜。倏忽覺秋殘。月滿方塘白。風依老樹寒。戲魚重躍定。譚云細。驚鳥却棲難。鍾云却。爲有門前路。吾生不得安。鍾云可笑。可傷。

○越中行

越國臨滄海。芳洲復暮晴。湖通諸浦白。日隱亂峰明。野宿多無定。閒遊免有情。鍾云各言。天台聞不遠。終到石橋行。

于武陵

○宿江口

南渡人來絕。喧喧燕滿沙。自生江上月。長有客思家。半夜下霜岸。北風吹荻花。自驚歸夢斷。不得到天涯。

○南遊

窮秋幾日雨。處處生蒼苔。舊國寄書後。涼天逢鴈來。露繁山草濕。洲暖水花開。去盡同行客。一帆猶未廻。

○訪道者不遇

人間惟此路長得綠苔衣。及戶無行迹。遊方應未歸。平生無限事。到此盡知非。獨倚松門久。陰雲昏翠微。

○高樓

遠天明月出。照此誰家樓。上有羅衣色。涼風吹不秋。鍾云三字孤迥惡本皆作吹不休便過首索然矣

李羣玉

○盧溪道士

曉發潺湲亭。夜宿潺湲水。風篁掃石瀨。琴聲九十里。光奔覺來眼。寒落夢中耳。曾向三峽行。巴江亦

如此

湖寺清明夜遣懷

柳暗花香愁不眠。獨凭危檻思悽然。野雲將雨度微月。沙鳥帶聲飛遠天。鍾云娟細久向饑寒拋弟妹。每因時節憶團圓。飴餐冷酒明年在。未定萍蓬何處邊。

杜荀鶴

○春宮怨

早被嬋娟誤。欲粧臨鏡慵。承恩不在貌。教妾若爲容。風暖鳥聲碎。鍾云三字開詩餘思路日高花影重。年年越

溪女相憶採芙蓉。

○出常山界使回有寄

自小只南北。未知今日離。封疆初盡處。人使却回時。開口有所忌。此心無以爲。鍾云此等句妙在說不明。行吟復垂淚。不稱是男兒。

○經廢宅

人生當貴盛。修德可延之。鍾云立想高。出題外。妙在下語却是迂重。不慮有今日。爭教無破時。薛班題字壁。花發帶巢枝。何況蒿原上。荒墳與折碑。

○別衡州牧

朝別使君門。暮投江上村。從來無舊分。臨去望何恩。
鍾云絕望之言。誦之傷心。然覺老杜自顧轉無趣。交情何更新二語。柔厚。行計自不定。此心誰與論。秋猿叫寒月。祇欲斷人魂。

○寄李溥

如我如君者。不妨身晚成。但從時輩笑。自得古人情。共莫更初志。俱期立後名。男兒且如此。何用歎平生。

○霽後登唐興寺水閣

一雨三秋色。蕭條古寺間。無端登水閣。有處似家山。
鍾云悲在有處二字。若云何處便淺矣。白日生新事。何時得暫閑。

將知老僧意。未必戀松關。

○別從叔

立馬不忍上。醉醒天氣寒。都緣在門易。直似別家難。世路既如此。客心須自寬。江村亦饑凍。爭及問長安。

○送人宰吳縣

海漲兵荒後。爲官合動情。譚云有人字人無異術。至論不如清。草履隨船賣。綾梭隔岸鳴。唯持古人意。鍾云五字厚甚。却妙在語似無着。千里贈君行。

唐詩歸第三十四卷終